



## **1A SESSIONE STRAORDINARIA PER 2017**

**26 è 27 DI GHJENNAGHJU**

**N° 2017/E1/001**

**DUMANDA ORALE POSTA da Mma Maria-Teresa MARIOTTI  
è M.Ghjuvan Martinu MONDOLONI  
À NOME DI U GRUPPU « Rassemblement»**

### **OGETTU : TEMPURALI È CURA DI I GHJARGALI.**

O Sgiò Presidente,

I tempurali di u 20 di decembre scorsu, impurtantissimi pè a terza volta in un annu, vittime, per furtuna vittime ùn ne anu fattu ma anu cagiunatu disgrasti tamanti. Hè stata sbrembata a rete stradale. Hè stata lampata in pianu una parte di e custruzione d'argini è ponti. Ci sò state e terre agricole trasundate è e case dannighjate.

Da issu puntu di vista a situazione di u Golu mi pare à tempu preoccupante ed emblematica. U fiume o pocu o male intratenutu, si strascina una mansa di imbrogli chì li tuppanu a foce propiu troppu in altu, è cusì l'acqua ùn fala più cum'ella saria naturale. Da un'altra banda essendu assicuratu male u sboccu di a doppia duie vie U Borgu-Viscuvatu, u fenomenu di a piena si ne trova accrisciutu. Di fatti, vistu ch'ellu ùn hè curatu issu canale di evacuazione, per via di i strati d'alluvione chì ci si accatastanu ùn face più a funzione chì saria soia.

À l'invitu di a Camera d'agricultura, un scontru hà permessu di accoglie in U Viscuvatu u 4 è u 17 di ghjennaghju i servizii di u Statu è l'eletti.

*Sò state identificate in modu chjaru duie prublematiche :*

1- A CTC deve non solu intratene u scolu ma dinù esse capace à stimà i so effetti durante e piuvite forte. Ci hè vultutu à aspettà ch'ella ci fussi una piena pè a terza volta da chì l'Esecutivu, cun voce di Ghjuvan Felice ACQUAVIVA, s'impegnessi à fà curà prestu prestu u sboccu è cumandà un studiu ad hoc. Cusì i travagli sò pussuti principià, ma pè u studiu, à chì ne simu?

2- Vistu a cumplessità di a regulamentazione, tamantissima è chì ùn pò valè in e situazione di crisa, vistu dinù chì e persone private ùn anu nè a cumpetenza nè a capacità finanziaria di intratene e sponde di u fiume in limite di e so loche, una trà e

pussibilità intraviste saria di chere à l'ntercumunalità di Marana Golu è Casinca di purtà inseme u prugettu è d'assicurà a maestria d'opera di i travagli priuritarii, anticipendu cusì nantu à a cumpetenza chì li hà da vene da u 1<sup>u</sup> di ghjennaghju 2018.

S'è i servizii di u Statu anu assicuratu chì e legne, catasti di cotru ed altre materie si puderianu cavà senza prublema, vistu i ragruppamenti in corsu imposti da a lege Notre, isse spese, l'ntercumunalità ùn si le ponu piglià sole .

Tandu s'impone u sustegnu di a nostra cullettività. Inghenieria, spertizia di i servizii di a CTC è sustegnu finanziariu cascarianu propiu bè, è cumplettarianu l'azione di u statu, da pudè esce da una situazione chì davanti à quessa, agricoltori è eletti lucali si fermanu senza affollu.

Chì parte puderia avè a nostra cullettività in u casu precisu di u Golu è, più inlà, in u quattru di u curà di i nostri ghjargali ?

Si puderia pensà à mubilizà un fondu speciale dedicatu à issa uperazione custindi è, in modu più glubale, à un fondu di prevenzione?

Ùn saria l'occasione bona da chere l'evuluzione di una regulamentazione indebulita in modu palesu ?

Da fà la compia, è al dilà di U Golu, vularia cunnosce a vostra pusizione in quantu à a situazione di Ghjulianu PEDINIELLI, agricultore chì t'hà un parcorsu significativu. Parechje volte li ci hè vultutu à pate disguasti materiali è perdite di sfruttamentu impurtante. Hà pigliatu nantu à i so mezi persunali da pudè sgumbrà u fiuminale di U Fiumiciccoli chì passa pè a so prupietà. Per via ch'ellu hà vultutu salvà u so patrimoniù cù una reazione spuntanea è non riflessa, hà da vene frà pocu davanti à u tribunale currezziunale dopu à avè patutu un trattamentu ghjudiziariu chì l'hà inghjuliatu. À nome di u gruppu « le Rassemblement », hè per quessa ch'o li vogliu fà testimonianza di simpatia è sulidarità. Vi vuleriate assucià, o Sgiò Presidente, à issu gestu di sustegnu?

À ringrazià vi.